

БЕКІТЕМІН

«Алматы дарыны» дарынды
балалар мен талантты жастарды
анықтау және қолдау
орталығының директоры
Г. Каримгажы
2025 ж.



Жалпы білім беретін пәндер бойынша республикалық ғылыми жобалар конкурсының қалалық кезеңін ұйымдастыру және өткізу туралы ЕРЕЖЕ

I. Жалпы ережелер

1. Жалпы білім беретін пәндер бойынша республикалық ғылыми жобалар конкурсының қалалық кезеңін (бұдан әрі – Конкурс) жыл сайын Алматы қаласы Білім басқармасының «Алматы дарыны» дарынды балалар мен талантты жастарды анықтау және қолдау орталығы өткізеді.

2. Конкурстың негізгі мақсаттары мен міндеттері:

- 1) оқушылардың ғылыми-зерттеу және оқу-танымдық қызметін ынталандыру;
- 2) ең талантты және дарынды жас зерттеушілерді іріктеу және оларға қолдау көрсету;
- 3) Қазақстан Республикасының зияткерлік әлеуетін қалыптастыруға ықпал ету.

3. Республикалық ғылыми жобалар конкурсы 4 кезеңде өткізіледі:

I кезең – мектепішілік;

II кезең – аудандық (плагиатқа тексеру және алдын ала сараптама);

III кезең – қалалық (жобаны қорғау және тестілеу);

IV кезең – Республикалық (алдын ала сараптама және жобаны қорғау).

4. Байқаудың I, II, III кезеңдерін өткізу мерзімі Алматы қаласы Білім басқармасының бұйрығымен белгіленеді. IV кезең Қазақстан Республикасы Оқу-ағарту министрінің бұйрығымен белгіленген мерзімдерде өткізіледі.

5. Конкурста 16 секцияда 4 бағыт бойынша жұмыстар ұсынылады:

I бағыт – «Ғылыми-техникалық прогресс – экономикалық өсудің негізгі буыны ретінде» - секциялар: физика; техника; Жер және ғарыш туралы ғылым.

II бағыт – «Экономикалық және әлеуметтік процестерді математикалық модельдеу» - секциялар: математика; қолданбалы математика; информатика; экономика.

III бағыт – «Салауатты табиғи орта – «Қазақстан-2030» Стратегиясын жүзеге асырудың негізі» - секциялар: химия; биология; қоршаған ортаны қорғау және адам денсаулығы.

IV бағыт - «Қазақстанның тарихи ескерткіштері және перспективалы туристік маршруттар» - секциялар: тарих; өлкетану; этномәдениеттану; тіл білімі (қазақ, орыс, ағылшын); адам және қоғам; әдебиет (қазақ, орыс).

II. Конкурс қатысушылары

1. Ғылыми жоба тақырыптары мен жұмыстары ағымдағы жылдың 1 қыркүйегіне дейін «Алматы дарыны» орталығының **almaty.daryny.kz** сайтында тіркелуі тиіс. Белгіленген мерзімнен кешіктірмей сайтқа тіркелген қатысушылардың ғана жұмыстары плагиатқа тексеріледі.
2. Қатысушылардың осыған дейін ұсынылған ғылыми жобалары толықтырулар енгізілген жағдайда ғана қабылданады.
3. Тіркелгеннен кейін ғылыми жобаның тақырыбын өзгертуге тыйым салынады.
4. Тіл білімі (ағылшын тілі) секциясын қоспағанда, республикалық ғылыми жобалар конкурсының барлық секциялары екі тілде – қазақ немесе орыс тілдерінде берілуі тиіс.
5. Ғылыми жобалар конкурсына білім беру ұйымдарының 8-11 сынып оқушылары қатыса алады. Тестілеу кезінде 8-сынып оқушылары 9-сыныпқа арналған тапсырмаларды орындайды.
6. Топтық жобаға екі оқушыдан артық қатыса алмайды. Командалық ғылыми жұмыста тек бір ғана жетекші болуы шарт.
7. Алдын ала сараптамаға антиплагиатқа тексеру кезінде 80%-дан жоғары бірегейлік жинаған қатысушылар ғана өтеді.
8. III кезеңге алдын ала сараптамадан өткен жұмыстар ғана жіберіледі.
9. III кезеңге қатысушылардың тізімі «Алматы дарыны» орталығымен бекітіледі. Алдын ала сараптама нәтижелері бойынша апелляция қарастырылмайды.
10. Жұмысты қорғау кезінде жобаның авторына (бірлескен авторына) баяндама үшін 10-15 минут беріледі.
11. Оқушылардың және жетекшілердің тегі мен аты-жөні құжаттарға (туу туралы куәлік, жеке куәлік) сәйкес толығымен толтырылады.
12. III кезеңге (тестілеуге) өткен командалық жұмыстар тек жұппен тестілеуге жіберіледі, кері жағдайда ұпайлар жойылады.
13. Ұйымдастыру комитетінің мекен-жайы: «Алматы дарыны» дарынды балалар мен талантты жастарды анықтау және қолдау орталығы, Сейфуллин көшесі-597, тел.: 255-83-05, E-mail: almaty.daryny@mail.ru.

III. Конкурстың сараптама комиссиясы

1. Әрбір секцияның сараптау комиссиясының құрамына әр бағыт бойынша кемінде 3 ғалым (маман) кіреді.

2. Комиссия қойылған талаптарға сәйкес, бағалау критерийлері бойынша әрбір жобаны қарайды және III кезең (қалалық жобаларды қорғау) қатысушыларын анықтайды.

IV. Конкурсқа ұсынылған ғылыми жобаларды рәсімдеуге қойылатын талаптар

1. Ғылыми конкурсқа:

- 1) аталған ғылым саласындағы фактілер, оқиғалар, құбылыстар және бұрын танылмаған, ерекше жақтары көрсетілген;
- 2) мектеп тәжірибелерін жетілдіруге, өндірістік процесстердің тиімділігін арттыруға ықпал ететін, практикалық міндеттерді шешуге жаңалықтар әкелетін аппараттардың, модельдердің, құралдардың конструкциялары ұсынылған;
- 3) әлеуметтік-экономикалық мәселелерді шешуге бағытталған экономикалық-заңдылыққа негізделген компьютерлік модельдер және жобалар ұсынылады.

2. Ғылыми конкурсқа:

- 1) жарысқа кәмелетке толмағандар үшін рұқсат етілмейтін аспаптармен жұмыстар, жануарларға қатігездік көрсетілетін эксперименттер, адам денсаулығы мен жануарлар үшін зиян келтіретін заттармен жүргізілетін жұмыстар (улы, радиоактивтік, канцорегендік және мутагендік әсері бар зерттелмеген биологиялық белсенді қосылыстар, адам және жануарлар үшін патогенді немесе шартты патогенді заттар, микроағзалар, вирустар, ішімдік, никотин) жарысқа қатысуға жіберілмейді;
- 2) республикалық жарыстарда бұрын қаралған және қорғалған жұмыстар Ғылыми конкурсқа қатысуға жіберілмейді.

3. Зерттеу жұмыстарын рәсімдеуге қойылатын талаптар:

- 1) жұмыс мәтіні компьютерде басылып мынадай құрылымнан тұруы тиіс:
 - титул парағы;
 - мазмұны;
 - абстракт (аннотация) қазақ немесе орыс тілдерінде (зерттеу жұмысының қай тілде дайындалғанына байланысты), және ағылшын тілінде жазылады;
 - кіріспе;
 - зерттеу бөлімі;
 - қорытынды;
 - пайдаланылған әдебиеттер тізімі;
- 2) титул парағында мыналар көрсетіледі:
 - жұмыс орындалған ұйымның толық атауы, қаласы, мектебі;
 - автордың (біріккен автордың) тегі, аты, сыныбы;
 - жұмыстың атауы;
 - жұмыстың дайындалған бағыты, секциясы;
 - жетекшінің тегі, аты, әкесінің аты;
 - қаласы (жарыстың өтетін жері), жылы;

3) абстракт (аннотация) (250 сөзден артық емес) қамтылған жұмыстың қысқаша мазмұнын көрсетуі тиіс:

зерттеудің мақсаты;
гипотезасы;
кезеңдері, зерттеудің реті;
тәжірибенің әдістемесі;
зерттеудің жаңалығы және дербестік дәрежесі;
жұмыстың нәтижесі және қорытындысы;
нәтижелерді практикада қолдану салалары;

4) кіріспеде (2 беттен артық емес) мыналар келтіріледі: таңдалған зерттеу тақырыбының өзектілігі, осы жұмыстың мақсаты (міндеті); қойылған міндеттерді шешу әдісі қысқаша көрсетіледі;

5) жұмыстың зерттеу бөлімі (20 беттен кем емес) жеке тараулардан (параграфтардан) тұрады және мыналарды қамтиды:

осы жұмысты жүргізудің қажеттілігіне көз жеткізуге және оның мақсатын (міндетін) құрастыруға мүмкіндік беретін таңдалған тақырып бойынша белгілі нәтижелерге талдама шолу жасау;

қойылған міндеттерді шешу әдістерін сипаттау;
жұмыстың нәтижелері және оларды талқылау;
суретті материалдар (сызбалар, кестелер, фотосуреттер, суреттер);

6) пайдаланылған әдебиеттерге сілтемені төртбұрышты жақшада беру керек. Мәтінде кездесетін сілтемелердің шығуына қарай, нөмірлеу реті болуы керек.

7) қорытынды (бір беттен артық емес) жұмыстың негізгі нәтижелерін және олардың негізінде жасалған қорытындыларын, жұмыстың нәтижелерін ғылыми және практикалық мақсаттарға пайдалану жөніндегі ұсыныстарды қамтиды;

8) пайдаланылған әдебиеттер жұмыс соңында жалпы тізіммен мынадай тәртіпте беріледі:

автордың тегі және қысқартылған аты-жөні;
мақаланың және журналдың аты (журналдағы мақалалар үшін);
журналдың, кітаптың аты;
басып шығарылған орны және баспасы (кітаптар үшін);
басылған жылы, шығу нөмірі, беті;

9) әрбір жұмыста таңдалған тақырыптың өзектілігі, автордың жұмысқа сіңірген жеке еңбегі, жұмыстың кемшіліктері және нәтижелерін әрі қарай пайдалану жөніндегі ұсыныстары көрсетілген жетекшінің пікірі қоса берілуі керек;

10) Уәкілдік мүшемен бекітілген ғылыми жетекші жұмыс нәтижелері диплом жұмыстарынан, магистрлік және кандидаттық диссертациялардан, ғылыми ұжымдардың есептерінен көшірілмегендігін, алынған нәтижелердің нақтылығы мен дұрыстығын қамтамасыз етеді. Оқушы жаңа білім мен өз бетінше зерттеу қызметінің дағдыларына ие болып, өз қолынан келетін жұмысты орындауы керек.

V. Жеңімпазды марапаттау

1. Ғылыми жобалар конкурсының III кезеңінің жеңімпаздары мен жүлдегерлері Алматы қаласы Білім басқармасының I, II, III дәрежелі дипломдарымен марапатталады.

2. Жеңімпаздар мен жүлдегерлер саны әр секция бойынша қатысушылардың жалпы санының 45%-ын құрайды. I, II, III дәрежелі дипломдардың саны келесі пропорциялар негізінде анықталады: жеңімпаздар санының 50%-дан аспайтыны – III дәрежелі, 30%-дан аспайтыны – II дәрежелі; 20%-дан аспайтыны – I дәрежелі дипломдармен марапатталады.